

ZAKON

O ZASTAVI BOSNE I HERCEGOVINE

Članak 1.

Ovim zakonom uređuje se oblik i izgled zastave Bosne i Hercegovine, kao i njeno isticanje na nivou države Bosne i Hercegovine.

Članak 2.

Zastavom Bosne i Hercegovine predstavlja se Bosna i Hercegovina i zastava se ističe kao simbol Bosne i Hercegovine.

Članak 3.

Zastava Bosne i Hercegovine je plave boje. Desno od centra nalazi se trokut žute boje. Paralelno lijevoj stranici trokuta, od gornjeg ruba zastave do donjeg ruba, proteže se red bijelih petokrakih zvijezda. Zastava je pravokutnog oblika. Odnos između dužine i širine zastave je 1:2.

Članak 4.

Mjere i tehničke specifikacije glede likovno-grafičkih rješenja i dimenzija zastave Bosne i Hercegovine koje se nalaze u prilogu ovog zakona čine njegov sastavni dio.

Članak 5.

Zastava Bosne i Hercegovine se službeno ističe na nivou države Bosne i Hercegovine na slijedeći način:

- a) na svim zgradama Predsjedništva Bosne i Hercegovine, Vijeća ministara i njegova tri ministarstva, Parlamentarne skupštine Bosne i Hercegovine, Ustavnog suda Bosne i Hercegovine, Stalnog komiteta za vojna pitanja, Komisije za ljudska prava, Centralne banke i Stalne izborne komisije nakon njenog formiranja, kao i na bilo kojoj drugoj zgradi zajedničkih Institucija ili institucija kojom upravljaju zajedničke institucije ili koja je odgovorna zajedničkim institucijama;
- b) na svim zgradama diplomatsko-konzularnih predstavništava Bosne i Hercegovine;
- c) prigodom službenog odlaska članova Predsjedništva Bosne i Hercegovine u inozemstvo i njihovog povratka iz inozemstva u Bosnu i Hercegovinu;
- d) na službenim prijevoznim sredstvima koja koriste članovi Predsjedništva Bosne i Hercegovine;
- e) prigodom svih službenih međunarodnih posjeta, takmičenja i drugih skupova (političkih, naučnih, kulturno-umjetničkih, športskih i drugih) na kojima Bosna i Hercegovina učestvuje ili je predstavljena;
- f) na graničnim prijelazima Bosne i Hercegovine.

U svim slučajevima iz prethodnog stava, druge zastave iz Bosne i Hercegovine neće se isticati zajedno sa zastavom Bosne i Hercegovine.

Službeno isticanje zastave u entitetima i službena uporaba regulisat će se posebnim zakonom.

Članak 6.

Nepoštovanje zastave Bosne i Hercegovine predstavlja kažnjivo djelo. Entiteti će usvojiti odgovarajuće propise u roku od dva mjeseca od dana stupanja na snagu ovog zakona.

Članak 7.

Ovaj zakon objavit će se u “Službenom glasniku BiH“ i u službenim glasilima entiteta.

[Slika 1.](#)